



Te Avae ~~September 1954~~

TENUARE 1955

TE HEHEURAA API

Te Porohaereraa O Enoha I Te Evanelia

Uiraa 1. Eaha te Demeio matamua tei ravehia i roto i to'na porohaereraa i te Evanelia?

Pahonoraa Ua rave te Atua i nia ia Enoha i te hoê ohipa taa-ê. Ua faahamama Oia i to'na vaha e'no reira, na tia ia'na ia parau. Ua tuu hoi Oia i te parau i roto i to'na vaha.

Uiraa 2. Ua haere itoito atura Enoha ei orometua ia faa-hoa, e ia faafariu mai i te mau taata atoa ra. Te na ô maira râ te parau papai. . . "e maheai'tu te mau taata atoa ia'na." No te aha ratou i na reira ai.?

Pahonoraa. No te ino o to ratou mau mana'o, ua maheaitu ratou i te faaiteraa'tu i te faahaparaa o ta ratou mau hara. Mai ia tatou e riri i te tahi ia faaite oia i ta tatou mau hara e ia faahapa mai oia ia tatou nei.

Uiraa 3. No te aha na mana'o te mau taata e, e taata Oviri Enoha?

Pahonoraa Ua parau ratou "e taata oviri oia" no te mea e, Aita oia i haere i to ratou mau tiahapa, na tia râ oia i nia i te mau aivi e te mau vahi teitei, ei reira oia e a'o mai ai i te Evanelia. No te puai o to'na reo; e no te huru taaê o ta'na ra mau parau. E aore hoi i ri'ari'a e aore hoi oia i haapao i te mau taata. No reira. Ua mana'o ratou e taata oviri ihoa ia. Oia hoi, e taata huru maamaa tera e tohu a'era.

Uiraa 4. Mai te aha te puai o te reo o Enoha? E no reira, ua manuia anei ia'na pororaa Evanelia?

Pahonoraa Ua paruparu te taata i te faarooraa i ta'na parau. I roto i te hoê putuputuraa, "na rurutaina ihora te mau taata, e aore i tia ia ratou ia tia mai i mna i to'na ra aro" Mose 6:4-7 E i te tahi faahou â taime ua parau atura oia i te parau a te Fatu, e na rurutaina ihora te fenua" Mose 7:13.

Uiraa 5. A poro haere ai Enoha i te Evanelia ua tohu oia i te aha?

Pahonoraa Ua tohu Enoha i te haamouraahia te taata o Suma e te mau taata o Kanaana, "e e tufahia te mau taata o Kanaana ratou ratou iho i te fenua ra, e e vai-ano-noa te fenua mai te faahotu ore i te maa, e aore roa e taata ê atu e parahi i reira, maori ra, te mau taata o Kanaana. Inaha hoi, e katara te Fatu i te fenua i te veavea rahi, e e vai noa te anoraa o te fenua e a muri noa'tu; e ua tae mai te ereere i nia i te iri o te mau tamarii o Kanaana, i au-ore-hia'i ratou i rotou i te mau taata atoa ra. Mose 7:7-8.

Uiraa 6. Ua a'o Enoha i te Evanelia i te mau fenua e rave rahi. E tei faaroo ia'na ra, ua aha ratou?

Pahonoraa Ua tairuru ratou i te fenua ra i Kanaana i te vahi e parahihia e te feia mo'a. E mairi ihora te Fatu i To'na feia, o Ziona, no te mea hoê â to ratou aau. E au ia ia feruri e, ua a'o oia i te "haapututuraa i Ziona" mai tei a'ohia i teie anotan hopea nei. (Buka Fafan 29:78)

"E ua parauhia ontou ei faatupu i te haaputuraa no to'u ra feia i maitihia ra, e faaroo hoi to'u ra feia i maitihia i to'u ra reo e ore hoi e faaetaeta i to ratou ra mau aau; no reira, ua tae

atu na te parau i opuahia mai ô mai i te Metua ra ia haaputuhia ratou i te vahi hoê. i nia i te aano-raa o teie nei fenna, ei faaineine i to raton ra mau mana'o, e ia faaineinehia i roto i te mau mea atoa, no te mahana e haponohia mai ai te ati rahi e te anoraa i nia i te feia hara." Ua riri atura te mau taata i te feia mo'a, haere atura ia aro atu ia ratou ra.

Uiraa 7. Nafea to te Atua faaoraraa i To'na ra feia mo'a?

Pahonoraa Ua na roto Oia ia Enoha i te faaoraraa i to'na ra feia. Parau atura Enoha i te parau a te Fatu, "e rurutaina ihora te fenna e haere ê atura te mou'a, mai te au hoi i ta'na ra parau; e tipun ê atura te mau anavai pape i to ratou ra taheraa; e e faaroohia a'era te uru o te mau Riona no te medebara mai; e mata'u rahi roa'era te mau nunaa atoa, i te puai o te parau a Enoha, e i te rahi o te mau o te reo ta te Atua i horoa mai ia'na. Ua mae atoa maira te hoê fenna i nia mai raro mai i te tai, e no te rahi o te mata'u o te mau enemî o te mau taata o te Atua, na horo ê atura e tia ana'e atura i te atea ê ra, e haere atura i nia iho i te fenna o tei mae maira i nia mai raro mai i te tai. E te mau taata roroa o te fenna, tia ana'e atoa'tura ia i te atea; e pee noa'tura te katararaa i te taata atoa o tei tama'i atu i te Atua. (Mose 7:13-14)

Patu atura te feia mo'a i te oire o Ziona. E haamaitai ihora te Fatu i te fenna, e ua haamaitai hia ratou i nia i te mau mou'a e i nia i te mau aivi teitei. e ruperupe ihora. Parahi hau noa'tura raton e 365 matahiti e tae noa'tu i te taine i tahi-tihia'i raton.

To Te Ati Iseraela Faaruerāa I Te Fenua Aiphiti

Ua ite te mau tamarīi no Iseraela e te mau taata atoa hoi no Aiphiti i te mana rahi o te Atua. Ua mauruuru roa ratou ia'na i faaora ia ratou i te mau ati e rave rahi e i te faatiamāraa hoi ia ratou. E no reira, pi'o ihora ratou i to ratou mau upoo i raro ma te pure atu i to ratou mauruuru rahi i te Atua ra.

E i te ho'iraa mai o Mose raua o Aarona mai te fare o Pharaō mai, e mai te au hoi i te faauerāa na'na ra, oia hoi, te arii, e faarue atu ratou i te fenua Aiphiti; ua haaputupu i ihora ratou i ta ratou mau tauihāa te tia ia afai atu na roto i te medebara. Te faaite mai nei te Bibilia e' e 600.000 taata e ta ratou atoa ra mau tamarīi tei haere atu i taua tere ra mai te aratai atoa'tu i ta ratou mau nāuā mamoe e te puaatoro atoa hoi e rave rahi.

Ua tae i te hopea i te 430 matahiti o to te ati Iseraela tītīraa i te fenua Aiphiti.

Ua faaitēhia maira e te Atua ia Mose ia aratai ē atu ia ratou i te fenua o to ratou ra mau metua, oia hoi, i Kanaana (Palestine), o tei vai noa ā i teie nei ā mahana. A haere ai ratou i te fenua ai'a o to ratou ra mau metua, ua ite papu ihora Mose e, e tae atu ihoa ia ratou i te miti utente o tei riro ia ei tafifiraa no to ratou ra tere. E nafea rā ratou, aita re'a to ratou e mau pahi no te tae atu i te tahi pae au o taua miti ra. Noa'tura i te reira, e taata faaroo-rahi-roa o Mose. No reira, ua aratai atura oia i to'na ra mau taata i te miti utente ma te tiaturi-papu-roa e, eita roa'tu te hoē peapea e tae i nia ia ratou ra.

E na muri iho i to ratou faaruerāa i Aiphiti, ara a'era Pharaō e to'na atoa ra mau taata i te mea e, aita faahou to ratou e mau tavini. E navai ta ratou mau ohipa e rave? No to ratou faatau, ua tupu a'era to ratou riāriā i te mea e, ua

faatia ratou ia Mose e to'na atoa ra man taata ia haere ê atu. E ua parau atura ratou, aue te hape rahi i te faatiaraa i to Iseraela ia haere ê atu mai roto atu i te tîtiraa.

Tupu a'era to te arii mana'o e, e tii faahou atu i to'na ra mau tavini. Faaineine ihora oia i to'na iho mau pereoo puaahorofenna e ono hapere no to'na ra mau faehau, e ua faahoro u ana atura i ta ratou mau puaahorofenna no te tapaparaa'tu i to Iseraela, e inaha, na ite atura ratou i to Isereala i te hiti o te miti utente.

I to Iseraela iteraa'tu i te unu o Phara'o i muri mai ia ratou e te miti utente i mua mai, tupu ihora to ratou mana'o e, e tapeahia ratou. Ua pure ihora te tahi pae o ratou i te Atua ia tauturu ia ratou ra, area te tahi pae râ, ohumu noa maira, e ua faahapa noa maira ia Mose, mai te parau atu e, e mea maitai a'e to tatou faaea tîtiraa i te taparahi-noa-hia tatou i roto i te medebara e te man faaehau o Phara'o. Aita roa Mose i riria noa'e, pahono atura oia e tei pihaiho te Atua ia outou.

Parau maira te Atua ia Mose, a faatoro atu oe i to rima i nia iho i teie miti utente. Ei reira ua na reira ihora Mose, na faatoro ihora oia i to'na rima i nia i tana miti ra, e inaha, ua faatae maira te Atua i te hoê mata'i puai roa o tei faataa ê, i tana miti ra. Ei reira, na mārô roa tana haereraa no ratou ra. Ua tapeahia ihora na pae e piti o tana miti ra mai te papai te huru. Ei reira, ua parau atura Mose ia ratou, a haere ana'e ra tatou na nia i te fenna mārô ma te peapea ore. E ua haere vitiviti atura ratou ma te tahi atoa'tu i ta ratou mau nānā mamoe e te puaatoro na mua ia ratou ra.

I to ratou taeraa'tu i te tahi pae, hi'o maira ratou i muri, ite faahou atura ratou i te mau ati Aiphi i te tapapa noa raa mai ia ratou ra. Tupu faahou ihora te mana'o e, e roo-faahou-hia ratou e tana mau taata ra, no te mea aita atoa ratou i haapeapeahia i to ratou tere i roto i tana miti ra.

Tera ra, e opua-raa-ê-roa to te Atua no tana mau taata ra, ua parau-faahou-maira Oia ia Mose, a faatoro faahou atu i to rima i nia iho i te miti, e ua na reira ihora oia, ei reira, ua topa maira te papai miti, e ua paremo ana'e atura te mau nuu o Pharaô.

E i to Iseraela iteraa i tana mau ohipa ra, ua tupu ihora to ratou tiaturi rahi i te Atua i To'na mana rahi. Ua tiaturi ratou i te Atua e te mau haapiiraa hoi ta te perophetara o Mose i haapii mai ia ratou ra. Ua tiaoro ana'e atura ratou i te Atua ma te arne atu i te hoê reo himene.

“Ua riro te Atua ei puai no ta'u himene, e ua riro hoi Oia ei faaora no tatou.”

Tei Ia Matou Te Pahonuraa.

A rave oe i ta oe Bibilia e e tai'o tana i te hoê manirava tei papaihia i te buka Isaia pene 40, e haamata i te piti e tae noa'tu i te irava pae.

Teie to'na tai'oraa: “E faaitoito atu outou ia Ierusalema e parau hua'tu outou ia'na, ua hope to'na tau tama'i; e ua farii te taraehara i ta'na hara; ua roaa hoi ia'na i te rima o Iehova te pohe au rahi roa i ta'na ra mau hara. Te pii maira te hoê reo i te medebara; a faanebenehe na i te e'a o Iehova, e faatitiaifaro na i te fenna maro i te haerea o to tatou Atua. E faaihia te mau peho, e faahaehaahia te mou'a e te mau aivi: e faatitiaifarohia te pi'o, e te mau vahipuupu ra, e faarirohia ia ei vahi papu; e faaitehia mai te hanahana o Iehova e ite paatoa te taata i te ora a te Atua.

Te faaite mai nei teie mau parau tohu a Isaia ia tatou i te mau mea e tupu i nia iho i to Ierusalema (irava 2), e te tupu i nia i te ao atoa nei (irava 3), e te irava pae o te mau mea ia e itehia e te mau taata paatoa.

Afea, e aore râ, i teihea anotaun e tupu ai tana tohuraa nei?

Tei ia maton te pahonora a e tei ia maton ana'e iho, oia hoi, tei te Ekalesia a Iesu Mesia i te Feia Mo'a no te Mau Mahana Hopea Nei. E no reira, "E tari'a to'na ei faaroora ra, e faaroo ia oia. Hou e tupu ai teie tohuraa, 'e pii te hoê reo i te medebara a faanehenehe na i te e'a o Iehova, e a faatitiaifaro na i te haerea o to tatou Atua."

Ua faaroo pinepine roa tatou i teie mau parau e te ite nei taton e o Ioane Bapetizo ia tei faanehenehe i te e'a o te Fatu. Te feruri nei ra te taata no te tabi haapaoraa, na tupu ê na teie tohuraa a Isaia, oia hoi, i te anotau a faaea'i Iesu rana Ioane i te ao nei. Aita roa râ i tupu ta Isaia tohuraa i tana tau ra.

E tia ia feruri faahou tana i nia iho i teie mau irava. E tai'o faahou â tana i te irava piti: "E faaitoito atu outou ia Ierusalema, e parau hua'tu outou ia'na; na hope to'na tau tama'i, na farii te taraehara i ta'na hara; na noaa hoi ia'na i te rima o Iehova.

A faaea'i Iesu rana o Ioane i te ao nei, na tupu anei teie mau mea, oia hoi, na hope anei te tau tama'i no Ierusalema? Ua farii anei te ati Iuda ia Iesu ei taraehara no ratou. Teie te pahonora, aita, aita roa. E aita atoa to Ierusalema i noaa te rima o Iehova. I te irava 4, "E faaîhia te mau peho, e faahaehaahia te mau mon'a e te mau aivi, e e faatitiaifarahia te pi'o, e te mau vahi puupuu ra e faarirohia ia ei vahi papu."

I to Iesu oraraa matamua i nia i te ao nei, na faaîhia anei te mau peho? Ua faahaehaahia anei te mau mon'a e te mau aivi? Ua riro anei te vahi puupuu ei vahi papu? Aita atoa.

E i te irava pae, "E faaitohia mai te hanahana o Iehova, e ite paatoa te taata i te ora a te Atua." Ua tupu anei teie mau parau i to Iesu tae matamunaraa mai i te ao nei? Ua ite anei te taata paatoa i to Iehova hanahana? Ua ite anei ratou i te ora a te Atua? E tia ia pahono faahou e, aita. E no reira i teihea anotau e tupu ai tana tohuraa ra a Isaia? Maori ra, i te tae-piti-raa o Iesu Mesia, te Fatu ia tatou e imi nei.

riihia
man
Ei re
Iesu
te ta

te ao
faatit
ra, "

ra. I
tahiti
oia i
ia fa

a Isai
man

Ia'na
i te i

Te h
o

roto i

matal
Ekale
inu ra
rii o t

Ei reira e hope to Ierusaiema tau tama'i, ei reira e fa-riihia ta'na mau hara e te taraehara. Ei reira e faa'ihia te man peho, e faahaehaa-atoa-hia te mau mou'a e te mau aivi. Ei reira, e riro te vahi puupuu ra ei vahi papu, oia ia, to Iesu tae-piti-raa mai e itehia te hanahana o Iehova, e e ite te taatoaraa o te mau taata te ora a te Atua ra.

Na mua ra, e tia ia tae faahou mai o Ioane Bapetizo i te ao nei, 'ia faanehenehe faahou na i te e'a no Iesu e ia faatitiaifaro faahou i to Iesu haerea, mai ta Isaia i parau ra, "te pii maira te hoê reo i te medebara. . ."

E ua tae faahou Ioane i te ao nei, ia rave i taua ohipa ra. Ua fâ mai oia ia Iosepha Semita i te 15 no Me i te matahiti 1829. I to Ioane fâraa mai ia Iosepha, ua horoa mai oia i te Autahu'araa a Aarona ia Iosepha, oia hoi, te mana ia faaineine i te taeraa piti mai o Iesu.

No reira, tei ia matou teie ite no nia iho i te tohuraa a Isaia, e tei ia matou ana'e. E tei ia matou te Ekalesia mau a Iesu Mesia.

Te ani nei au ia oe ia pure atu i te Atua ma te ani atu ia'na e, "e ere anei teie i te parau mau." Eiaha tatou e vi i te ino, ia vi ra te ino i te maitai.

Papa'ihia e Ira Tree

Te hoê ati rahi i teie nei anotau hopea, oia hoi, o te inuraa ava ia, tei tupu i te rahiraa

Na te HEHEURAA API, ia ora na oe.

Te haapono atu nei au i teie nei mau parau ia tuuhia i roto i te ve'a te Heheuraa Api.

Ia tae ra i te otiraa o te matahiti tahito, e ia tae i te matahiti apî, ei reira tatou e ite ai i te mau melo o taua mau Ekalesia ia inu ite ava, a tomo ata ai i roto i taua mau fare inu raa ava, mai te reira i te mau vahi atoa o te mau fenua rii o te moana nei.

A tai'o mai'na i te 1 Timoteo 1:7. O tei na ô mai e, I hinaaro e ei haapii ture ratou: aita ra i te i ta ratou iho e parau ra, e te mau mea i marohia e ratou ra.

Area râ, na roto i te farii-noa-raa, ia inu i te ava taero e te uaina taero, mai te parau atu i te mau melo a inu noa aita hoi e ture ia faahapo ia tatou eiaha ia inu i te ava e aore râ i te uaina taero, o te hoê teie haapiiraa a to matou mau orometua Porotetani e te Katolika.

Enemi te ava no te Basileia o te Atua. A tai'o, i te 1 Korinetia 6:10.

Te hoê ati rahi no te mau Ekalesia o tei faaterehia e te mau Aratai inu ava, e au ia i te mau orometua maramama ia tatara mai ratou i te hoho'a o teie ati, ia au hoi i te ture o te Evanelia o tei opani i te ohipa inuraa ava taero e te uaina taero. A tai'o mai'na i te Levitiko 10:9 o tei na ô mai e, Eiaha ei uaina e te ava taero e inuhia e oe e to tamarii atoa, ia haere outou i roto i te tiahapa amuiraa a pohe hoi outou: ei haapaoraa mau te reira e tae noa'tu i to outou mau ni atoa ra.

1. Enemi te ava no te utuafare.

O te taero ava hoi e te oehamu tiaâ ra, e veve ia; e na te tiaruhe e faaahu mai i te ahu motumotu. Mateli 23:21 E mea aroha roa te huaai no te inu ava: aita e haapaoraa! Aita e aahu; e maa navai ore; faaroo noa i te tuhi e te tama'i, ebia ma'i tntoo o te tamarii, o te metua inu ava te tumu e mea riãriã te utuafare no te taata inu ava.

2. Enemi te ava no te mau amuiraa taata.

O vai tei ati nei, o vai tei oto, o vai tei paruparu hara ore-noa Maseli 23:29-33. E ino te amuiraa o te taata i te feia inu ava, e mau hoa ana'e ratou hou to ratou inuraa: na taero ana'e râ, na mârô e na taputo, eita te mau fare toa, e te mau fare faaraveraa ohipa e rave i te taata inu ava, e no reira, hoê â ia huru i roto i te Basileia o te Atua, eita te mau taata inu ava e parahi i reira a tai'o i te 1 Korinetia 6:10.

Te tiaturi nei te mau Porotetani e te Katorika i te maa taero ei faaoaoaraa i ta ratou mau oro'a faaipoiporaa e te mau bapetizoraa, ei haamauruururaa i te mau manihini, e ia hi'o atu tatou i tana mau aratai râ, e te mau Diakono ia huri atu i te uaina taero e te ava i roto i to ratou opu, aita paha ia ratou i te ra parau i te Ephesia 5:18 o tei na ô mai e, eiaha ia taero i te uaiua e tupu ai te taiata râ. . . Ua riro atoa te feia inn-hua i te uaina mai teie mau animala te huru.

Ia haamata te innu, e riro oioi te taata mai te pitaote te huru, te haapen nei oia, mai te paipai i te pererau, te hora-hora i ta'na hope, e te pii noa i ta'na piiraa maniania! Ia taman oia i te innu, e riro oia mai te uritaata te huru: ua huru rau te mau hautiraa âoâoâ! I muri ihora, e ua ũā oia mai te Riona taehae te huru, ei ũāraa iria e te maniania puai-roa-ino. E i te hopea, nā varea te taata innu ava i te taoto, a taoto ai i raro mai te puaa maohi te huru, e mai te hi'o ore i te vahi ta'na e taoto ra.

O na huru e maha teie i itehia i roto i te mau taata i faaterehia e te mau aratai Porotetani e te mau aratai Katorika.

Papaiahia e te hoê hoa Porotetaui

Terii Nui a Opeta

Te Taata Ueue.

Te haapii noa ra o Iesu na roto i te parabole e, i te tahi mahana, ua faahiti oia i teie nei parabole nehenehe roa o tei na ô mai e: "Ua paran maira hoi oia, E au te Basileia o te Atua i te hoê taata i ueue i te huero i roto i ta'na ra aua: e te taoto ra oia i te rui, e te ara noa ra i te ao, te tupu noa ra tana huero ra aore oia i ite i te tupuraa. Na te fenua iho hoi i faatupu a'e, o mua te oteuraa, e i muri iho te puaraa, e i muri a'era o te sitona mau ia. Ia paari râ te sitona ra, na rave ihora oia i te ooti." (Mareko 4:26-29)

O vai te taata uene i roto i teie nei parabole?

O te orometua ia o tei farii i te maua o te Atua, e i muri iho, na haere atura ma te a'o i te evanelia i te mau opu atoa, e te mau nunaa atoa. e te mau reo atoa.

Ua nene oia i te huero i roto i te aaui o te taata, e tana huero ra, o te Evanelia ia. Eita paha oia e ite i te huru o te hoturaa, noa'tu ra i te reira, e uene noa oia i te huero. E i te tahi taine e haere ê atu oia hon te hoturaa. E haere oia i te tahi vahi no te uene faahou i teie huero maitai rahi, e aore râ, e haere paha oia e rave i te tahi ohipa i roto i te tahi tufaa o te ô a te Atua. Area ra, te vai noa ra to'na faaroo e, e te tiaturi nei hoi oia e. e tupu maitai teie mau huero ta'na i uene ra, i tera vahi e i tera vahi.

E vaiho oia i te ootiraa na vetahi ê; ua ite râ oia e, te faarahi nei oia i ta'na mau tao'a i te Basilôia o te Atua. e ia tae oia i reira e oaca mau te tupu i roto i to'na aaui ia ite i te huru maitai, e te rahi hoi, o te auhuneraa.

Ua parau atu o Iesu i teie parabole i ta'na mau aposetolo. O ratou te mau orometua maitai e te paari, area ra, te ite nei tatou e, e parabole teie no te mau feia atoa o te haapii atu i te evanelia, noa'tu te haapii nei oia i te reira i te mau tamarii o te Ekalesia, e aore râ, i te mau feia paari, e aore râ, te haere nei oia i terâ utuafare, e terâ utuafare, i rapae i te Ekalesia, noa'tu i te vahi, te uene nei oia i teie huero maitai.

E mea ora teie huero e e tupu ihoa oia, na mua ra te otenraa, na muri a'e te puaraa o te sitona mau, e te ootiraa hoi. No reira, e homa, ia uene outou i teie huero maitai eiaha e fiu i te tiairaa no te tau hoturaa. Te vai nei te tau mau no te mau mea atoa ra. na mua ra te ueneraa e te tupaia, na muri iho te ootiraa.

E tupu vitiviti a'e te huero tei uenehia i roto i te repo maitai i te huero tei uenehia i roto i te repo ino. Eita tatou e ite ahea te ahuneraa, area râ, tei te Atua taua ite ra e Na'na e haapao i te reira.

No reira, e te hoa, oia hoi, te taata uene, eiaha e rû, a tiai rii e a haere maru noa no te mea te vai nei te ootiraa e na te Atua e haaputuputu i te sitona na te taata, no te mea Na'na mau ia ohipa.

A ara maitai i te raveraa i teie nei ohipa te vahi te ootihia no te ao a muri atu.

Ia ora na ana'e tatou i roto i teie nei ohipa.

Dean Whiting

PARAU RII API

To Tatou Peropheta o DAVID O McKAY

E homa e, teie ia te parau apî rahi na tatou no teie ava'e e no teie matahiti atoa hoi, oia hoi, ua farii mai to tatou peresitenui o Reri i te hoê rata na nia mai i teie manu reva tei tae mai i te 20 no Dicema 1954. Ua faaitohia mai i roto i taua rata nei e, e tae mai to tatou peropheta o David O McKay i te 18 no Tenuare 1955, e e faaea mai â oia e toru mahana i rotopu ia tatou nei. Aue! te oaoa e, i te farii-raa i te reira parau apî. Ua hinaaro tatou i te farerei i te hoê Aposetoro no to tatou tomoraa fare, area râ. mai ta outou i ite, aita ihoa oia i tae mai, noa'tura i te reira, o teie ia te hoê haamaitairaa rahi a'e.

TE RE BASKET S. D. J. [MOMONI]

Teie ia te tahi parau apî maitai oia hoi, i te hautiraa popo basket i Tipaerui, i teie mau mahana nei, na upootia to tatou pupu no te feia apî, e na riro mai te coupe ia ratou. E mea maitai roa ta ratou hautiraa, e te mana'ohia nei e, mai te mea e faaitoito â ratou e riro faahou mai ia i teie matahiti i mua nei. Ua farii ratou i te coupe i te 23 no Dicema e e tapea ratou i te reira e tae roa'tu i teie matahiti i mua nei ei reira e hauti-faahou-hua'i.

I te pô mahana pae i te 24 no Dicema, na tae mai pa-pa Noel. E na haamauuruu oia i te mau tamarîi i te tahi mau monamona. Ua faatia ratou i te tahi mau hautiraa a tia i ai ratou ia'na ra, e na au roa te reira.

Te Oriraa a te Feia

Ua faaterehia te hoê oriraa na te feia apî i te pô mahana maa, oia hoi i te 25 no Dicema, e na au atoa te reira ohipa i faaterehia e ratou. Area râ, noa'tu te maitai o ta ratou ohipa aita ihoa te mana'o i anaanatae, i te mea e, na faaroo matou i te hoê parau o tei faaite e, na pohe to tatou taeae here o Adram S-rami Gobrait. Ua faaterehia to'na hunaraa i te 26 no Dicema 1954, e mea nehenehe roa te mau ohipa i ravehia. Ua oto te aan i te taa-ê-raa, area râ, na i te feruriraa i te ohipa maitatai ta'ua i faatupu i to'na faaea-poto-raa i roto i te Ekalesia nei. Ua bapetizohia oia i te 2 no Tenuare i te matahiti 1954 e Maurice orometua.

Te faatae atu nei matou i to matou aroha i to'na hoa faaipoipo, e ta'na mau tamarîi. Faaitoito outou te vai ra te mahana e farerei faahou ai outou ia'na.

Te Matahiti Apî

Ua faaterehia te hoê pureraa no te matahiti apî, i te po mahana pae i te hora ahuru ma piti. Ua faatere-atoa-hia te hoê oriraa e te mau taata atia'i noa'i ratou i te matahiti apî.

mea e
apî o
ravea
hia to

himer
e mea
ta'na
Ua ta
to'na
to'na
te taa
maita

va'tu
Haur
fenua
pa a
maita
atu o
tei ia

haere
Aita
te me
no te
reira.
ai'a l

To Tatou Orometua O Haurata

E homa e, na tupu faahou te oto i roto i te aan i te mea e, ua tupu te hoê ma'i rahi i nia iho i to tatou orometua apî o Haurata (Elder Howard Low) e no reira, aita ihoa hoê ravea, maori râ ia ho'i atu oia i to'na fenua ai'a ia rapaauhia to'na ma'i. E reva ihoa oia i nia i teie manu reva.

Ua ite roa oia i te faatairaa piano, e te hamonia, e te himene atoa. Ua haamata oia i te haapii i te pŭpŭ himene, e mea an roa taua pŭpŭ himene ra. Noa'tu te poto o te taimetana i faatere i tana ohipa ra, e mea afaro te faatereraa. Ua tae mai oia i te 26 no Atopa 1954. E piti avae e te afa to'na faaearea i rotopu ia tatou nei, e noa'tura te poto o to'na tau, na herehia oia e tatou nei e e oto ihoa ia te aan i te taa-ê-raa'tu oia ia tatou nei. Ua rahi roa te man ohipa maitai ta'na i rave a faaea poto mai ai oia i o tatou nei.

To Tatou Na Orometua.

I te 13 no teie nei avae i te poipoi mahana maha reva'tura to tatou na hoa orometua Dean Whiting raua o Haurata (Howard Low) na nia i te manu reva o Teal i te fenua Amerita. Ua faaoti maitai roa o Dean i ta'na ra ohipa a faaea'i oia i rotopu ia tatou nei. Huru rau te mau tātā maitai ta'na i faafariu mai i roto i te Ekalesia nei. E ia tae atu oia i to'na fenua ai'a e baere oia i te fare haapiiraa teitei ia faaoti i ta'na haapiiraa i reira.

Ua ho'i atu to tatou hoa orometua o Haurata no te haere atu i te fare ma'i ia faaora maitaihia to'na ra ma'i. Aita hoi i oti maitai ta'na ohipa orometua i o tatou nei, no te mea, ua parau atu te Taote ia'na, a hoi atu oe i Marite no te mea e ma'i rahi to oe, oia hoi, i roto i to'na mape, no reira. aita'tura ta'na ohipa orometua i oti, reva'tura i to'na ai'a here. Te parau atu nei te Hehenraa Apî ia ora na orua.

Na Orometua momoni no Rarotoga

I te mahana i tae mai ai te pahi ra o Vaitema, tei nia iho e piti orometua. (E tane e ta'na vahihe) Te haere nei raua i reira no ta raua ohipa orometua. E tapao faaite ia e, te tere nei te Ekalesia i reira i mua, te rahiraa melo i reira, ua roaa ia 4000. Ua faatupuhia te hoê fariiraa no raua. E tupu ihoa te oaoa ia faaroo i te mau paran maitatai.

Te Hoho'a no Teie Nei Ava'e

No Le Cranada Retite te hoho'a i mua nei. O oia ia te hoê melo o roto i te pûpû tino ahuru ma pitt aposetolo.

Ua fanauhia oia i te Farmington Utaha i te 6 no Febuare i te matahiti 1886.

Ua pee maitai oia i te taahiraa avae o to'na ra metua tane e to'na ra tupuna tane atoa hoi.

E aposetolo hoi to'na metua tane e to'na ra tupuna tane i roto i te ekalesia i te tau o Birikama Yone.

Hou to'na ra maitiraahia ei melo no te tino ahuru ma piti aposetolo. Ua maitihi oia e piti taime ei peresideni no te hoê mitione i Amerita apotoa, e e toru atoa taime ei Epitekopo e ei peretideni Titi ato hoi. I te 14 no Eperera i te matahiti 1938, ua maitihia oia ei peresideni no te pûpû Epitekopo o te Ekalesia.

E ua rave itoitaitai oia i ta'na ra ohipa i roto i taua pûpû ra, tae roa'tu i te matahiti 1952. E i te matahiti 1952 maitihia ihi ihora oia i te 6 no Eperera ei melo no roto i te pûpû tino ahuru ma piti a posetolo no teie nei tau hopea nei.